

Pattison

I.

Amors, cum er? Que faray?
Morrai frescx, joves e sas,
enaissi dins vostras mas?
Oc! Murir, si·m pliu per vos!
Ades m?i pleu pauc mos pros;
e totz temps, tan cum ieu viva,
cum que m?en an, m?i pliuray.

II.

Per qu?ieu fauc avol essai
pos aissi vos suy humas;
qu?en feyratz s?ie·us fos trefas,
mals e felhs ez orgulhos?
Fora·n plus aventuros ?
Oc! So·m par, pos ar esquiva
m?es, quar ves vos franc cor ay.

III.

Ades mi datz plus d?esmay
on mielhs suy ves vos sertas.
E fauc hi ben que vilas,
quar per mal suy amors.
Mas no say esser anctos
vas vos, qu?ades recaliva
mos leus cors on piegz m?en vay.

IV.

Mas vos avetz ? don morrai,
Amors ? l?us de Barrabas;
que·ls vostres faitz soteiras
? qu?estan mal, per qu?ieu viu blos ?
no faitz ges als plus iros,
mas ves aquels etz ombriva
qu?avetz en poder ses play.

V.

Per que, si·m peza, dirai,
Amors, tan ves vos que cas:
ades o dic ? suy auras
de vos; q?anc mala sai fos
vostr?aventura mest nos!
E tem a dir ... quals? ? C?om pliva

so que·us cofon e·us dechay.

VI.

Mas ieu o dic; e si·n bray
ni m?en desmen hom vilas,
vengua armatz en us plas;
e sia orbs o gelos,
s?ieu no volri? esser jos,
vencutz; qui·s vol, so escriva;
sol vers no fos si·m n?esglay.

VII.

Mas non es de mar en sai,
ni lay on es flums Jordas,
Sarrazis ni Crestias
qu?ieu non venques tres o dos;
e s?ai dig que enojos,
ma grans dolors m?en abriva
que·m fai ver dir e no·m play.

VIII.

E s?ieu en fauc semblan guay
ni·m depenh cueynhdes e vas,
si tot m?ai bos ermitas
estat et enquar ploros;
e bos hom religios
serai (tot per gent geliva)
tostemps, si·l cor no m?en tray.

IX.

E ma chanso si no fos
alques ves Amor esquiva,
tengra ves Rodes en lay

X.

Comtessa nominativa,
pros e bell? ab cor veray.

- letto 538 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/pattison-5>